

POZIV ZA PRIJAVE NA TRENING

“PRIPREMA I UPRAVLJANJE PROJEKTOM”

Fondacija tuzlanske zajednice poziva zainteresovane građane/ke, da se prijave za učešće na treningu **“Priprema i upravljanje projektom”**.

Trening je namijenjen članovima i volonterima organizacija civilnog društva, uključujući i omladinske organizacije, te članove i članice savjeta mjesnih zajednica. Također, trening je pogodan i za zaposlenike javnih ustanova i institucija, koje već realizuju i žele poboljšati realizaciju projekata u zajednici, poput biblioteka, Centara za socijalni rad, Centara za kulturu, itd. Namijenjena je i predstavnicima općinskih/gradskih uprava i resornih kantonalnih ministarstava čije službe rade na pisanju projektnih prijedloga i apliciraju prema međunarodnim donatorima. Maksimalan broj učesnika je 15.

Cilj treninga: je pružiti učesnicima osnovna znanja o upravljanju projektom i fazama projektnog ciklusa, elementima projektnog prijedloga, te razumijevanje ključnih faza u provedbi projekta i izvještavanju.

Obrazovne teme: Trening se sastoji od nekoliko tematskih cjelina, kao što je predstavljanje i razumijevanje svih faza projektnog ciklusa, elemenata projektnog prijedloga, definisanje problema koji se želi riješiti projektom, načina definisanja ciljeva projekta, rezultata i mjerljivih indikatora kroz logički okvir projekta, plan aktivnosti i projektni budžet. Učesnici treninga će usvojiti sljedeća znanja:

- Razumijevanje faza projektnog ciklusa, kao i strukture projektnog prijedloga.
- Primjena logičke matrice u planiranju projektnog prijedloga.
- Upravljanje budžetom i aktivnostima projekta.

Metodologija rada: Trening se realizuje kroz interaktivne radionice sa učesnicima koje uključuju diskusije, intervju, igre uloga i pričanje priča iz iskustva.

Trajanje treninga: Trening će trajati 2,5 dana i biće organizovan **15., 16. i 17. septembra 2026. godine (utorak, srijeda i četvrtak)** u periodu od 09:00 do 16:00 sati (prvi dan), u periodu od 10:00 do 16:00 (drugi dan) te u periodu od 09:00 do 12:00 sati (trećeg dana), na lokaciji u centru Grada Tuzla, koju bismo naknadno dogovorili sa prijavljenim učesnicima. Organizator zadržava pravo da vrijeme održavanja treninga promijeni do popunjavanja planiranog broja učesnika.

Voditelji treninga: Trening će voditi Jasna Jašarević, direktorica FTZ i Ismet Sokoljanin, menadžer za razvoj programa, koji posjeduju višegodišnje iskustvo u oblasti pisanja projektnih prijedloga, te vođenju projekata. Vještine za provođenje obuka za odrasle, stekli su kroz teoretsku andragošku obuku i praktične treninge u organizaciji FTZ.

Prijave za učešće: Za učešće na treningu potrebno je izvršiti prijavu putem linka: [Prijava na trening “Priprema i upravljanje projektom”](#) najkasnije do **10.09.2026. godine**. Molimo vas da u prijavi navedete imena osoba koje su preporučile učešće na treningu; opis aktivističkog angažmana; obrazloženje o potrebi subvencioniranja cijene, ukoliko istu tražite.

Subvencioniranje cijene treninga: Trening organizuje Fondacija tuzlanske zajednice, čiji je neprofitni rad finansiran od strane donatora i filantropa. Zahvaljujući sredstvima osiguranim od nekoliko donatora, u mogućnosti smo ponuditi djelimično ili potpuno subvencioniranje troškova treninga za maksimalno 10 učesnika treninga.

Molimo da zahtjev za subvencioniranu cijenu treninga i popunite tokom prijave na trening, uz tražena objašnjenja. Zainteresovani učesnici mogu tražiti:

- Sufinansiranje od 100% za 5 učesnika/ice po treningu;
- Sufinansiranje od 75% za 5 učesnika/ice po treningu.

Zbog ograničenih sredstava, nećemo biti u mogućnosti da osiguramo sufinansiranje za sve zainteresovane učesnike. **Odabir će se vršiti po sljedećim kriterijima:** najranije prijavljeni, polazno aktivističko iskustvo u lokalnoj zajednici i iskustvo organizacije/institucije u realizaciji društveno korisnih projekata, te obrazloženje o potrebi korištenja subvencionirane cijene. Savjetujemo potencijalne učesnike/ce da traže i druge mogućnosti sufinansiranja, uključujući plaćanje od strane matične organizacije/ustanove/institucije, poslodavca, donatora ili projektnih sredstava.

Cijena treninga: Puna cijena treninga iznosi 300,00 KM po osobi što **pokriva troškove** kafe i vode za sve pauze tokom 2,5 dana treninga, osvježenje i lagani ručak za 2 dana treninga, materijal za obuku, pripremu i čišćenje prostorije, trenerski par u dane treninga i mjesec dana mentorstva nakon treninga za 24h sedmično, sertifikat o učešću, pristup dodatnoj literaturi u dogovoru sa trenerima, kao i člansku kartu za korištenje prostorija CIVICA centra u trajanju od 1 mjeseca. U iskazanu cijenu ne ulaze troškovi putovanja do lokacije treninga, tako da se očekuje da isti budu pokriveni od strane učesnika/ce.

Rok za plaćanje treninga: je dva dana prije realizacije istog putem blagajne ili računa Fondacije tuzlanske zajednice. Za svaku uplatu će biti izdat fiskalni račun.

U slučaju otkazivanja treninga od strane organizatora ili odustajanja od strane polaznika/ce najmanje 2 radna dana prije početka treninga, sva uplaćena sredstva će biti vraćena u punom iznosu i u kratkom roku. Ukoliko polaznik/ica, na dan treninga odustane od pohađanja istog, nećemo biti u mogućnosti vratiti uplaćena sredstva.

Za dodatne informacije molimo da se obratite Nermi Sakić, koordinatorici programa, putem e-maila nerma@fondacijatz.org ili putem telefona na broj 035 362 830.